



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

CXX. Confirmatio quorundam Decretorum & Statutorum Congregationis
Hispaniæ Fratrum Discalceatorum Ordinis Sanctissimæ Trinitatis
Redemptionis Captivorum.

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

CXX.

Confirmatio quorundam Decretorum & Statutorum Congregationis Hispaniæ Fratrum Discalceatorum Ordinis Sanctissimæ Trinitatis Redemptionis Captivorum.

CLEMENS PAPA XII.

Ad futuram rei memoriam.

Dat. die 10. Dec. 1733. Pont. An. IV.

Exordium.

IN supremo militantis Ecclesiæ Solio per ineffabilem divinæ Bonitatis abundantiam, nullo licet meritorum nostrorum suffragio constituti, ea, quæ pro salubri Congregationum Religiosorum Virorum, qui Altissimi obsequiis sub suavi Religionis jugo mancipati sunt, directione provide prudenterque constituta sunt, ut firma semper atque inviolata persistant, Apostolici munitis præsidio, cum id a Nobis petitur, libenter roboramus.

Tenor supplicationis.

§. 1. Exponi siquidem Nobis nuper fecit dilectus filius Michael a Sancto Raphaelo, Procurator Generalis Congregationis Hispaniæ Fratrum Discalceatorum Ordinis Sanctissimæ Trinitatis Redemptionis Captivorum, quod Capitulum Generale, & Definitorium Generale Congregationis hujusmodi quasdam novas leges, decreta, & statuta pro felici prosperoque ipsius Congregationis regimine, præsertim pro Capitulum Generalium celebratione, fecerunt, & in unum volumen redigi curarunt, tenoris, qui sequitur, videlicet.

Tenor Legum, Decretorum, & Statutorum, de quibus supra facta mentio, talis est, prout sequitur, videlicet:

Exordium Statutorum.

Postquam Sanctissimus Dominus Noster Clemens Papa XII. per suas literas in forma Brevis die 11. Septembris 1730. ea confirmavit Decreta & Statuta, quæ ad uniforme gubernium omnium Provinciarum intra & extra Hispaniarum Regna erant erecta, & erigerentur in posterum; celebratis jam sex Provinciarum Capitulis, stabilitoque earum uniformi gubernio, hæc Excalceatorum Sanctissimæ Trinitatis Redemptionis Captivorum, Congregationis Hispaniarum nuncupata, Religio humillime & vehementer desiderat, quod alia nunc Decreta, quæ vi facultatis a fel. rec. Domino Nostro Benedicto XIII. concessa Capitulo Generali tunc futuro, & Definitorio Generali sequenti, per suas lteras in forma Brevis die 26. Februarii 1728. facta quidem, & stabilita a prædictis Capitulo & Definitorio, crebro studio, & omni meditatione præmissis, integroque quotidianis sessionibus anno consumpto a Definitorio, utpote ad celebrationem instantis Capituli Generalis conducentia, imo statutis jam Capitulis Provincialibus necessaria, Apostolicæ auctoritatis confirmationem roborque consequi mereantur & obtineant: Ideo adjunctis nonnullis, quæ vim Constitutionis per trium Capitulum confirmationem circa observantiam obtinuerunt, juxta Constitutionem fel. rec. Sanctissimi Domini Nostri Clementis PP. X. cuncta Sanctæ Sedis auctoritati proponenda, & Apostolicam confirmationem petendam hic subjiciuntur, videlicet:

I.

Quod in nostra Religione Excalceata erunt duæ Familiae, in quas totus veniat Universalis Ordo divisus: quarum una denominabitur intra Hispania: & extra-Hispania altera. Utraque erit sub Titulari sibi Electo.

In Religione Excalceata duæ Familiae:

II. Quod ex his duabus Familiis unus Minister Generalis in Caput & earum Superiorem eligendus est, & postea Commissarius Generalis in Superiorem Generalem familiæ, de qua Minister Generalis non fuerit assumptus: itaut Ministro Generali tamquam Superiori omnium Commissarius Generalis & ceteri omnes humiliter pareant & obediant; quin sub pena transgressionis obedientiæ ulli ceterorum, nec toti Definitorio alterius Familiæ, liceat resistere illius mandatis, præsertim post secundam jussionem, in qua expressa sit clausula: Non obstantibus his, quæ Nobis exposita sunt: quando exposita referantur ad literam.

Ex quarum una Minister Gen., ex altera Commissarius Gen. eligendi.

III.

Quod similiter sua Familia obedire tenebitur suo Commissario Generali, qui vel jurisdictione ordinaria vel delegata in aliquo casu gubernium totius Familiæ tenet, quin impediri aut retardari possit ab alio, quam ab omnium Superiore Ministro Generali Ordinis.

Commissarii jurisdictione a solo Ministro Gen. potest impediri.

IV.

Quod ut semper ac futuris temporibus sine affectus Familiæ sive Regionis murmure aut querela unitas Religionis sub uno Capite permanere possit & debeat, in proxima futura Electione Ministri Generalis, facienda juxta Sanctam Regulam, eligendus & assumendus est in hoc munus filius Familiæ Hispaniæ: & in Commissarium Generalem alterius Familiæ, scilicet extra-Hispanæ assumendus est filius ejus.

Minister Generalis primo ex una, secundo ex altera Familia assumendus.

V.

Quod finito sexennio post prædictam primam Electionem futuram, eligendus est in Ministrum Generalem Ordinis filius extra-Hispanæ Familiæ; & in Commissarium Generalem pro sua Familia filius Familiæ Hispanæ.

VI.

Quod hac semper vicissitudine imposterum fiat Electio Ministri Generalis Ordinis in Capitulo Generali.

VII.

Quod si durante sexennio Ministrum Generalem Ordinis mori contingat, vel alia quavis causa ejus officium vacaverit, ex eadem Familia illius eligendus est Vicarius Generalis Ordinis, qui, excepto nomine Ministri in omnibus & per omnia eandem jurisdictionem & præminentias habere debet, ac Minister Generalis habuerat, & quod ejus officium duret dumtaxat usque in finem illius sexennii, ne privetur Familia Superiore Generali Ordinis adhuc per breve tempus ante Capitulum, nec inter Familias alteretur vicissitudo.

Quo moriente tempore sui sexennii ex eadem Familia Vic. G. eligendus.

VIII.

Quod si contingat, Commissarium Generalem deficere in alia Familia, mortis, renuntiationis, aut alia quavis causa, tunc Minister Generalis ex eadem ejus, qui defecerit, familia eligat Vice-Commissarium, qui auctoritate delegata, & nomine delegantis expresso omnes illi commissas facultates usque ad proximum Capitulum exerceat.

Quod servandum obveniente obitu, cessione &c. Comm. Gen.

IX.

Quod Capitulum Generale ad præscriptum Regulæ celebretur de triennio in triennium Sabbatho ante quartam Dominicam post Pascha extra Curias Principum, in domo designanda a Ministro Generali Ordinis, quatenus ipse præsideat, consulto Definitorio Generali ipsius: vel a Commissario Generali, consultis Definitoribus suæ Familiæ, Ministro Generali non præsentente.

Cap. Gen. quoto, & quali tempore celebrandum.

X.

Quod tempore Capituli non admittantur hospites, nec domum capitularem ingrediantur Vocales per duos menses ante celebrationem Capituli, nisi fuerit Pater Provincialis illius Provinciæ, exceptis Socio; si Minister fuerit,

Quid præstandum ante Capituli celebrationem.

& Vocalis ille, qui ante annum habeat in eadem domo suam ibi designatam residentiam continuam.

XI.

Quod Minister Generalis, & ejus Diffinitorium præexistere debent ante Capitulum in eadem domo Capitulari, & ceteri Vocales ingredi teneantur Feria Quinta ante prædictam Dominicam quartam post Pascha.

XII.

Quod Pater Minister Generalis tempore apto, ut omnes, qui convocandi sunt, ad Capitulum congregentur, mittat literas vocatorias omnibus Vocalibus, qui teneantur concurrere, & invitatorias, quibus licitum sit non concurrere, easque omnes mittat cum expressione temporis & loci celebrationis imminenti Capituli Generalis; & quod si hujusmodi literæ ad aliquem Capitulum non pervenerint, nihilominus ipse concurrat, & vocatus intelligatur; dummodo constet de promulgatione Capituli Generalis facta, & in sua Provincia aliis nota.

XIII.

De Præside
eiusdem
Capituli.

Quod in Capitulo Generali Ordinis semper præsideat Superior Generalis illius, sive Minister: sive pro casu Minister defectus, Vicarius Generalis cognominetur; & quod si congregato jam Capitulo, ipse ægrotaverit, vel propter aliam causam non accesserit ad Capitulum, tunc Commissarius Generalis alterius Familiae erit Præses Capituli, ejusque præsentia durabit usque ad finem dicti Capituli, nisi præses fuerit noviter Electus in Ministerium Generalem, quia tunc præsentiam habere debet; & quod si etiam contingat, congregato Capitulo, Ministerium Generalem & Commissarium Generalem alterius Familiae simul deficere, tunc Præses Capituli eligatur ab omnibus Vocalibus simul, & usque in finem Capituli præsentiam habeat, nisi noviter electus in Ministerium Generalem sit præses.

XIV.

Qui suffragium in eo habere debeant.

Quod in Capitulo Generali suffragium tantum habeant sequentes: Præses Capituli, sive sit Minister Generalis, sive Vicarius Generalis, sive Commissarius alterius Familiae, sive Præses electus a Capitulo: deinde Commissarius Generalis, vel Vice-Commissarius Familiae, ex qua novus Minister Generalis assumendus est: Item Diffinitores Generales Ordinis, & postea Diffinitores Generales Familiae: omnes Ministri vel Vicarii Provinciales: singuli Socii primi pro singulis Provinciis Ordinis: Procurator Generalis Ordinis, itaut quoties in Hispania celebretur Capitulum Generale, suffragium habeat Procurator Generalis Hispaniae, & quoties celebretur Capitulum extra Hispaniam, suffragium habeat Procurator Generalis Curiae Romanae: atque etiam suffragium habebit Secretarius Generalis Minister Generalis, qui spirat: & præterea suffragium habere poterit, qui aliquando fuerit Superior Generalis Ordinis, vel Familiae, Minister scilicet, Vicarius, Commissarius, vel Vice-Commissarius: & quod sub poena privationis ad ulteriora Ordinis officia nullus, ne ad Capitulum adeat, nisi propter infirmitatem, excusari possit, illis exceptis, qui antea Superiores Generales fuerunt, quibus, dummodo actu non sint Vocales, liberum erit adire vel non adire Capitulum propter ætatem & labores antea susceptos.

XV.

Locorum in
eo assignatio.

Quod primo loco sedeat in Capitulo Præses, & ad ejus dexteram tota familia, ipsius Ministri Generalis, qui spirat: Secundo loco & ad sinistram Præsidis Superior Generalis alterius Familiae cum tota sua familia; Itaut Superiores Generales Caput agant ad latera; & post quemlibet intra propriam Familiam ejus ceteri sequan-

tur hoc ordine: Diffinitores Generales: Ministri aut Vicarii Provinciales: Socii primi & etiam secundi, quando subrogantur pro Vocali aliquo, quamvis subrogentur pro illo, qui superiorem sedem haberet: Præterea actualis Procurator Generalis, qui habeat suffragium: deinde Secretarius Generalis, & denique post Vocales suæ Familiae qui aliquando fuerat Superior Generalis pro ea; & si plures fuerint, qui aliquando munus Superioris Generalis habuerint, qui fuit Superior Generalis Ordinis, præcedat eum, qui fuerat Superior Generalis Familiae; & si eodem munere plures functi fuerint pro eadem Familia, antiquior in professione præcedat; qui quidem ordo intra & extra aulam Capitularem servandus erit, quando five in Refectorio five in Choro ad latera sedeant Capitulares; si autem alibi non ad latera sedeant, post Ministerium Generalem sedebit Commissarius Generalis Familiae: postea Diffinitores Generales Ordinis: deinde Diffinitores Generales Familiae: postea PP. Provinciales juxta antiquitatem eorumdem: præterea Procurator Generalis: & post eum Secretarius Generalis: ac denique qui fuerant Superiores Generales, itaut qui Minister Generalis fuerat, præcedat tunc, qui solum fuerat Commissarius Generalis; & si plures fuerint Magistri, antiquior præcedentiam habeat, cujuscumque Familiae fuerit.

XVI.

Quod Feria Quinta ante Dominicam quartam post Pentecosten congregentur omnes Capitulares in Domo designata, ante meridiem, ut ad vesperum Præses Capituli congreget omnes Capitulares, & id faciat, quod juxta nostras Constitutiones præmittere debet.

XVII.

Quod die sequenti, scilicet Feria Sexta congregentur Familiae, unaquæque seorsim ab alia, & Præses cujuscumque Vocalibus suæ Familiae notum faciat Catalogum omnium Religiosorum, qui in Provinciis suæ Familiae, attenda solum graduatione, & inspectis interstitiis juxta nostras Constitutiones, apti reperiantur ad munera & officia suæ Familiae in eo Capitulo pertinentia; ut nullus postea conqueri possit, quod sua aptitudo non fuerit omnibus Vocalibus suæ Familiae præsens; sed hujusmodi aptitudo ex pura graduatione & interstitiis judicanda erit, quin ad mores & observantiam referatur aptitudo hæc, ut alii includantur, excludantur alii, alias daretur dissentionum, & occasio litium.

XVIII.

Quod postea eodem die, alia tamen sessione, iterum congregentur Familiae seorsim, ut eligibilitatis scrutinium fiat ab unaquaque sequenti modo: Quod Familia, ex qua assumendus est Minister Generalis in eo Capitulo, juxta suam conscientiam eligibilitatis scrutinium toti Capitulo proponendum sic faciat, scilicet, quod unusquisque illius Familiae ex catalogo, omnibus credito, eorum, qui ex graduatione & interstitiis apti reperiantur ad Ministerium Generalis officium, quinque in schedula una seligat; quique suo iudicio, omnibusque inspectis, aptiores esse crediderit, & coram tota Familia sua, ad id congregata omnes tradant hujusmodi schedulas suo Superiori; qui solis cum duobus immediate Vocalibus eisdem schedulas regulabit, & quinque illos eligibiles, qui plures voces habuerint in prædictis Vocalium schedulis, eligibiles declarare, & omnibus Gremialibus manifestare tenebitur, ostendendo illis schedulam manu unius Scrutatoris scriptam, subscriptamque ab alio Scrutatore, & signatam ab ipso Præside, qui statim hanc suæ regulationis schedulam, totius Capituli

De aliis rebus
Capituli
celebrationi
committen-
dis.

De scrutiniis
eligibilitatis.

Præsi-

Præsidi tradere tenebitur; & similiter idem fiat ab alia Familia Generalis, qui spirat, ad faciendum scrutinium eligibilitatis ante Commissarii Generalis electionem.

XIX.

Quod eadem Feria Sexta simile fiat scrutinium, in quo unusquisque Vocalium scribat se seligendo ex catalogo inter aptos ad Diffinitorii officium pro sua Familia duodecim; ut ex omnibus schedulis duodecim continentibus a Scrutatoribus & Præsidi Familiae, regulatis vocalibus, duodecim, qui plures voces, quam ceteri habeant, scribantur in alia schedula modo dicto; & similiter publicata postrema schedula, ut de proxime eligibilibus constet, tradatur Præsidi. Si autem contingerit, quod in eligibilitatis scrutinio duo vel tres æqualem numerum suffragiorum seu vocum habeant, illi omnes reputentur eligibiles: si vero hujusmodi aequalitas reperitur, quando jam ad numerum eligibilium solum deficiant unum, duo vel tres, tunc antiquiores in professione eligibiles reputentur. Cæterum si omnes voces singulorum Vocalium pro duobus, tribus aut quatuor eligibilibus reperiantur, fiat secundum scrutinium ad eligibilitatem illorum, qui usque ad numerum proxime eligibilium defuerint. Si quis autem inventus fuerit, se ipsum nominasse in schedula selectionis ad eligibilitatis scrutinium, eo ipso ineligibleis sit, quamvis seclusa voce illius, cæteras omnes habeat pro se. Caveatur stricte, ne Scrutatores ulli Vocalium revelare audeant numerum vocum, quas habuerat aliquis, qui eligibilis publicatur.

XX.

Quod factis ab unaquaque Familia prædictis scrutinii, tradita Præsidi Capituli schedula eligibilium modo dicto efformata pro eligibilibus suæ Familiae, Præsides totius Capituli Familiam Generalis, qui spirat, certiores faciat de eligibilitate sibi nota ad electiones proxime futuras, a toto Capitulo faciendas.

XXI.

Quod si in aliquo scrutinio eligibilitatis, vel supra eo aliqua difficultates occurrerint, determinandæ sunt a Diffinitorio Generali ejusdem Familiae, cujus resolutioni standum erit, sub pœna ad arbitrium ipsius Diffinitorii.

XXII.

Quod his omnibus eadem Feria Sexta expeditis, sequenti die, Sabbatho scilicet, post solemnem Spiritus Sancti Missam, & cætera, quæ juxta nostras Constitutiones debent præmitti, congregentur omnes eo modo & forma jam præscriptis, ut moris est, in propria Aula Capitulari; & quod Præsides eam concionem, quam tenetur habere, idiomatice omnibus communi per se ipsum habeat; & peractis postea, quæ a nostris Constitutionibus disponuntur, modo eo ibidem disposito, fiat Ministri Generalis electio.

XXIII.

Quod post Vesperas ejusdem diei congregentur in Aula Capitulari Vocales omnes illius Familiae, pro qua Minister Generalis spirat, & Præsides eodem, qui totius Capituli Præsides fuerit, atque sibi electis Secretario & Scrutatoribus modo dicto, omnes simul canonicè eligant Commissarium Generalem ad triennium immediate futurum, pro sua, & ex sua Familia assumptum eodem modo ac ritu, quibus Minister Generalis Ordinis ante prandium electus fuerat.

XXIV.

Quod sequenti die, videlicet Dominica, congregentur omnes utriusque Familiae Vocales, & similiter per secreta suffragia eligant ad futurum sexennium sex Diffinitores Generales Ordinis, qui semper assumendi erunt ex Familia Ministri Generalis noviter electi.

XXV.

Quod similiter post Vesperas hujus diei congregentur omnes, qui Commissarii Generalis fuerint pridie Electores, & ex sua familia, & pro ea sex alios Diffinitores Generales Familiae eligant ad futurum triennium qui nec vocari possint, nec se ipsa erunt Diffinitores Generales Ordinis.

XXVI.

Quod Diffinitoribus omnibus electis, congregetur tota solaque Familia intra-Hispana, & Præsides eodem Capituli Generalis, canonicè & ad triennium ex sua Familia eligat Ministrum nostri Conventus Romani Sancti Caroli; & postea Familia, ex qua Minister Generalis spirat, similiter canonicè & ad triennium ex sua Familia Ministrum nostri Collegii Romani de Propaganda Fide.

XXVII.

Quod immediate Feria Secunda Familia Ministri Generalis, qui spirat, albis nigrisque globulis, aut lapillis assumptis, eligat Procuratorem Generalem Ordinis pro Romana Curia, ex sua Familia assumptum, cui totum Capitulum, antequam finiatur, dare tenebitur Ordinis mandatum Generalis Procuratoris.

XXVIII.

Deinde Familia Ministri Generalis electi, Præsides eodem Capituli, similiter ex sua Familia eligat Procuratorem Generalem Familiae suæ pro illius negotiis in Romana Curia exequendis, cui etiam ante finem Capituli dabit suum mandatum Procuratoris cum expressa prohibitionem sub præcepto formali, ne in communibus negotiis Religionis se immisceat nec verbo; aut scripto a se aut ab aliis suæ Familiae cognominetur Procurator Generalis Ordinis.

XXIX.

Quod Feria Tertia quælibet Familia seorsim ex qualibet Provincia sua duas domos designet, quæ Capitulares cognominentur, ut qui fuerint earum Ministri, immediate ante Capitulum Generale Ordinis, aut Familiae suæ, in solius electionis in Ministros earum domorum Socii sint ad Capitulum Generale futurum; Itaut Minister domus, prius in hoc Capitulo designatæ, sit primus Socius, & in Capitulo futuro suffragium habeat: & Minister alter, scilicet domus posterius designatæ, pro eadem Provincia sit Socius Secundus, & in defectum alicujus capitularis.

XXX.

Quod si fuerit aliqua domus extra Provinciam, præter dictas Sancti Caroli, & de Propaganda, & Minister illius majorem partem triennii post suam Electionem expleverit, Familia illa, ad quam domus pertineat, Ministrum eligat in eodem Capitulo Generali ad triennium, quia postea finito triennio ad Diffinitorium Familiae pro alio triennio usque ad Capitulum Generale pertinebit electio.

XXXI.

Quod electiones Ministrorum horum in Capitulo Generali poterunt fieri sine scrutinio ex omnibus aptis, quia propositis quinque ex aptis a Diffinitorio Provinciae, ex qua eligendus assumi debeat, Familia in eo Capitulo eligere poterit, quem judicaverit eligendum.

XXXII.

Quod ad removendas opiniones contra observantiam, totum Capitulum confirmare debet omnia præcepta formalia, quæ in nostris Constitutionibus continentur.

XXXIII.

Quod octo postea designentur ex Ministris Provincialibus actualibus, & Diffinitoribus Familiae, & unà cum Diffinitoribus Generalibus Ordinis concurrant ad correctionem vel depositionem Ministri Generalis, si in illo sexennio

De electione
Ministri Con-
ventus Sancti
Caroli de
Urbe.

De electione
Procuratoris
Gen. Ordinis.

Et unius cu-
jusque Famil-
iae.

De designa-
tione Domo-
rum Capitularium.

Confirman-
da præcepta
formalia
Constitutionum.

De electione
novorum
Diffinitorū.

opus fuerit, ut in nostris Constitutionibus statutum habetur.

XXXIV.

Quod cætera omnia fiant, cunctaque legantur, ut moris est, prout a nostris Constitutionibus est dispositum, ante confirmationes. Et his peractis, Præses Capituli imponat præceptum, quod juxta easdem Constitutiones, ut moris est, imponitur ad impedimenta detegenda; nulloque invento, vel a Diffinitorio Generali Ordinis judicio facto de alicujus impedimenti dubio, totum Capitulum Generale confirmet electionem Ministri Generalis Ordinis, ut moris est, post Breve fe. re. Urbani PP. VIII.

XXXV.

Quod omnes Vocales ad illius Electionem confirmet Electionem Commissarii Generalis Familiae.

XXXVI.

Quod postea duo Diffinitoria simul cum Præsede confirmet Electiones Diffinitorum Generalium Ordinis: ac demum ordine servato Electionum quælibet Familia cum Præsede confirmet eas Electiones, quas canonicè fecit.

XXXVII.

Quod tempore Capituli Generalis ultra Missam, & concionem designatam a nostris Constitutionibus, duæ publicæ post solemnem Missam conciones erunt ex festivitibus Ordinis ad arbitrium Præsidis, qui tempore apto monere debet Provinciales suæ Familiae, ut Prædicatores eligant, quos voluerint pro determinata ab ipso Præsede concione facienda in Capitulo illo. Monemus tamen Provinciales, ut si concionatores vel concionator aliquis satirice ad animum populi excitandum, vel complacendum, prædicaverint, illico & perpetuo prædicandi & concionandi licentiam auferant, vel licentiam, itaut nisi de consensu Capituli Generalis futuri, minime, qui defecerit, possit intra nec extra domus nostras Spiritus Sancti ascendere Cathedralam.

XXXVIII.

Quod cum favente Deo plures sint extra Hispaniam institutæ Provincie, & ad felicius faciliusque Ordinis regimen sub unitate unius Capituli bipartitio facta fuerit & instituta, ut in omnibus utraque Familia dignoscatur æqualis, & ad præscriptum Regulæ de triennio in triennium celebretur Capitulum Generale, quod quidem juxta illius tenorem semper celebratum fuit, ut solum de sexennio in sexennium fuerit Capitulum electivum Ministri Generalis juxta illud Regulæ: Electio Majoris ac Generalis Ministri de sexennio in sexennium, & post triennium hujus Capituli electivi aliud Capitulum generale, quod ab initio vocatur intermedium: ita etiam servetur in posterum, hoc solo discrimine, quod Capitulum electivum de sexennio in sexennium celebrandum Capitulum Generale Ordinis vocetur: & Capitulum intermedium solum celebretur in ea Familia, ex qua in Capitulo Generali Ordinis Commissarius Generalis electus fuerit; sicque verificabitur, quod semper de triennio in triennium aliquod Capitulum Generale celebretur in Ordine.

XXXIX.

Quod Capitulum, Ministri Generalis electivum, semper celebrari debet intra Familiam, ex qua Minister Generalis spirat, cui Familiae correspondet celebratio futuri Capituli Generalis intermedii, ut sic supremum Caput Religionis nunquam munus suum finiat extra Familiam suam.

XL.

Quod Capitulum Generale intermedium celebrari debet juxta Regulam Sabbatho ante quartam Dominicam post Pascha, post triennium a die celebrationis Capituli Generalis Ordinis, intra propriam Familiam, extra Curias Principum, in Domo designata a Præsede Capituli, qui semper erit Commissarius Generalis Familiae, nisi intra illam & extra propriam Familiam addit Minister Generalis Ordinis, & voluerit præsidere in dicto Capitulo intermedio.

XLI.

Quod si, instante tempore Capituli, Præsides infirmetur, possit differre Capitulum per unum mensem tantum, quo elapso, si adhuc fuerit impeditus, vel si congregato jam Capitulo ægro-taverit, præsideat Diffinitor Generalis Familiae actu Prior inter alios.

XLII.

Quod ad hujusmodi Capituli celebrationem per suas literas convocatorias convocare debet, & invitare per invitatorias Superior Generalis Familiae omnes, qui concurrere debent & possunt, eo modo, quod dictum est de Capitulo Generali Ordinis in aliquo anno sit futurus Præsides Capituli intermedii.

XLIII.

Quod in Capitulo intermedio suffragium habere debent Ministri Generalis si addit: Superior Generalis Familiae: Diffinitores Generales illius: Ministri Provinciales, vel Vicarii Provinciales ejusdem: Ministrique actuales Domorum Vocalium, quæ in Capitulo Generali Ordinis designata fuerint, ut earum Ministri, finito sexennio, Socii sint ad Capitulum Generale Ordinis; Quippe Ministri hujusmodi Domorum ad Capitulum intermedium debent concurrere, & eorum Successores in eisdem Domibus ad Capitulum Generale Ordinis; quod etiam intelligitur de Sociis in defectum: Præterea suffragium habebit in hoc Capitulo intermedio intra Hispaniam Procurator Generalis Hispaniæ, & extra Hispaniam Procurator Generalis Ordinis in Curia Romana: Deinde Secretarius Generalis superioris Familiae: Ac demum qui in eadem Familia assumpti fuerant aliquando Superiores Generales Ordinis vel Familiae; itaut hi pro libito, cæteri autem sub pena perpetuæ privationis concurrere tenentur, sicut dictum est circa Capitulum Generale Ordinis.

XLIV.

Quod in Capitulo intermedio circa præcepta scrutinia, selectiones eligibilium, ac cætera præambula, ea omnia observentur, quæ dicta manent circa Capitulum Generale Ordinis, & habentur in nostris Constitutionibus.

XLV.

Quod tempore Capituli sedeant ordine, quo nominati sunt, & quod si casus occurrerit, in quo recens Electus præfens fuerit, sedeat immediate post Commissarium Generalem, qui spirat, & statim suffragium habeat, quamvis de corpore Capituli non sit.

XLVI.

Quod, facta electione Superioris Generalis Familiae, quæ semper debet fieri prædicto Sabbatho ante prandium, vespere congregentur Vocales, & sex Diffinitores Generales Familiae ex eadem eligant.

XLVII.

Quod altera die congregentur omnes in aula Capitulari, & si Familia fuerit intra Hispania primò eligat Ministrum nostri Conventus Romani S. Caroli; & licet intra Hispania non sit, eligat Ministrum nostri Collegii Romani de Propaganda Fide.

XLVIII.

De confirmatione electionis Ministri Gen.

Et Diffinitorum.

Capit. electivum Ministri Gen. in ejus Familia celebrandum.

De Capitulo intermedio triennali.

De iis, qui suffragium habere debent in Cap. intermedio.

Cætera servanda, prout in Cap. Gen. Ordinis.

Eligendi Diffinitores Familiae.

Cætera per hoc Cap. faciend.

XLVIII.

Quod Capitulum Generale intermedium nulas alias electiones facere poterit; Ideo his finitis agere debet de redemptione & observantia, facereque Statuta & Ordinationes pro sua Familia, quæ minime opponantur factis a Capitulo Generali, vel Diffinitorio Generali Ordinis; atque sibi eligere Chronistam pro tota sua Familia.

XLIX.

Quod, omnibus peractis, Commissarius noviter electus coram toto Capitulo reprimittat obedientiam, eamque promittat specialem tempore sui muneris Superiori Generali Ordinis: Et postea totum Capitulum confirmet P. Commissarii electionem; & deinde confirmet etiam singulas electiones, quas canonicè fecit: & fient legenturque, quæ faciendæ & legenda sunt in Capitulo generali, juxta nostras Constitutiones.

L.

Quod dissoluto Capitulo Capitulares se mutua fraterna charitate amplectentur, & in suos Conventus proficiantur.

LI.

Quod illico & quamprimum Secretarius, qui fuerat Diffinitorii Familiae, certior faciat Ministrum Generalem Ordinis de omnibus electionibus, & de repositione obedientiae moderni Commissarii Generalis.

LII.

Quod in casu, in quo eligendus sit Vicarius Generalis Ordinis propter defectum Ministri Generalis, ut diximus, Prior Diffinitor Generalis Ordinis tunc superstes per suas literas vocatorias congreget omnes Vocales suæ Familiae, qui concurrere teneantur, & possent, si in ea Familia celebrandum esset Capitulum intermedium; designetque Domum aptam etiam extra Principium Curias pro celebratione Congregationis, ut in ea congregentur tempore apto ad ipsius arbitrium, itaut quamprimum fiat Vicarii Generalis electio.

LIII.

Quod, si Diffinitoribus Generalibus Ordinis, illo & alio exceptis, constiterit, quod per omissionem aut industriam prædicti primi Diffinitoris retardatur Congregatio, & Vicarii Generalis electio, liberum sit illis ad Sedem Apostolicam authentice concurrere, ut a Summo Pontifice destinetur Vicarius Generalis Ordinis.

LIV.

Quod prædictus Diffinitor primus sit Præses hujus Congregationis, in qua imponat præceptum ad impedimenta detegenda; cunctaque alia exerceantur, quæ exercere debet Præses cujuscumque Capituli.

LV.

Quod in prædicta Congregatione fiant scrutinia eligibilitatis usque ad numerum quintum eligibilium, prout in Capitulis Generalibus.

LVI.

Quod post Missam solemnem de Spiritu Sancto, & cætera Præambula, quæ fiunt in Capitulis, fiat Electio Vicarii Generalis ante prandium, qua facta, immediate post Electionem pergant processionaliter in Ecclesiam cantantes Te Deum, quamvis noviter Electus non sit in eadem domo, in qua si fuerit, ab ipso benedictionem accipiant.

LVII.

Quod Vespere iterum congregentur, & si Diffinitor aliquis electus fuerit in Vicarium Generalem, Congregatio eligat novum Diffinitorem Generalem Ordinis; & si occurrat aliquod negotium urgens pro tota Religione, aut aliqua Familia, determinetur ab omnibus, ut moris est.

LVIII.

Quod postea confirmet electionem Vicarii Generalis; & deinde, si eam fecit, confirmet etiam Electionem Diffinitoris noviter electi.

LIX.

Quod postea Congregatio dissolvatur, mutuoque amplectentur Vocales, quin aliud fiat, neque concionem aliquam habere; debeat in hac Congregatione. Si autem aliquis Provincialis, vel Vocalis alter, electus fuisset in Vicarium Generalem, ad Diffinitorium Provinciae pertinebit electio sive Provincialis sive alterius Officii, quod electus habuerat.

LX.

Quod si facta tertio scrutinio adhuc non fuerit electio canonica, omisis scrutinis, ille intelligatur vi hujus Constitutionis electus, pro quo fuerit major numerus suffragiorum, quam pro alio aut aliis. Si autem pro duobus æqualis numerus suffragiorum repertus fuerit, maiorque quam pro aliis, tunc antiquior in professione reputabitur canonicè electus.

LXI.

Quod Diffinitores Generales Ordinis perpetuo solum erunt sex, & in toto Ordine eam præminentiam, cæteraque omnia, prout in nostris Constitutionibus, habere debent. Diffinitores vero Generales Familiae similiter, intra Familiam tantum, & post Diffinitores Generales Ordinis.

LXII.

Quod duo Socii cujuscumque Provinciae ad Capitulum Generale erunt Ministri actuales domorum capitularium, quæ in Capitulo Generali Ordinis electæ fuerint, itaut Minister domus prius electæ sit primus Socius, & Minister posterior electæ domus sit secundus Socius, cujus munus solum sit concurrere extra domum capitularem in loco proximo ad illam, ut præsto & in promptu sit ad hoc, ut si opus fuerit ob defectum alicujus Vocalis suæ Provinciae, suffragium habeat, supplendo pro eo; nisi Vocali, qui deficiat, liberum fuerit adesse Capitulo; quippe horum suffragia suppleri non debent.

LXIII.

Quod si per mortem, infirmitatem, aut aliam justam causam, Minister alicujus domus capitularis non possit interesse Capitulo, tunc Diffinitorium Generale suæ respectivæ Familiae seligere possit domum alteram, cujus Minister actualis concurrat ad Capitulum, semper ut Socius secundus. Si autem contingat, utrumque Socium pro aliqua Provincia simul deficere, Minister domus prius electæ a Diffinitorio in illo casu erit Socius primus.

LXIV.

Quod Procurator Generalis Hispaniæ, qui non aliquarum, sed omnium Provinciarum Familiae suæ, & Procuratoris, & Diffinitorii Generalis semper habuit procuræ mandatum: idemque a Diffinitorio Generali Familiae suæ propter negotia ejusdem Diffinitorii habere debet; ab eodem Diffinitorio semper eligatur de triennio in triennium juxta nostras Constitutiones.

LXV.

Quod si Familia intra-Hispana, quando ei competit Capitulum Generale intermedium, illud celebrare non possit, illius Diffinitorium Generale eligat Ministrum nostri Conventus Romani Sancti Caroli ad sequens triennium: Et similiter Familia, quæ prædictum Capitulum celebrare jam instante tempore nequeat, per suum Diffinitorium Generale eligat Ministrum Collegii nostri de Propaganda Fide ad immediatum triennium.

De quibus omnibus certior faciendus Minister Generalis.

De modo procedendi ad electionem Vicarii Ordinis.

Diffinitores Gen. Ordinis sex:

Duo Socii cujusque Provinciae Ministri actuales domorum Capitularium.

De Procuratore Gen. Hispaniæ.

Modus supplendi Capitulum intermedium si haberi nequeat.

Quædam Privilegia Conventus S. Caroli de Urbe.

Quædam explicationes ad Regulas Ordinis.

LXVI.

Quod Superior Generalis Ordinis, ex Familia extra-Hispana assumptus, nullam jurisdictionem exerceat in Conventu nostro Romano Sancti Caroli, nisi eam tantum, quam in alios Hispaniæ Conventus exercere poterit; & quod in eo Conventu residere non possit; Quod potiori jure intelligendum est de Commissario Generali extra-Hispano.

LXVII.

Quod Procurator Generalis, qui ex Hispania non fuerit electus, nunquam in prædicto Conventu commorari possit, aut residere.

LXVIII.

Quod pro hac prima vice suffragium habeant omnes secundi Socii Provinciarum, ut suppleantur suffragia Vocalium, qui ad futura Capitula Generalia ex nunc eligi debent.

LXIX.

Quod in Regula nostra, in qua juxta dispositionem Sanctissimi Domini Nostri fel. re. Urbani VIII. dicitur, quod electio Ministrorum Provincialium, & Conventualium, fiat in Capitulo Generali, auferatur vox, Generali; quatenus juxta Breve Sanctissimi Domini Nostri Clementis PP. XII. hujusmodi Electiones jam fieri debent in Capitulo Provinciali.

LXX.

Quod Regula, ubi Cap. 41. Diffinitorio Generali depositio Prælatorum, & eorum subrogatio reservantur, intelligitur de Diffinitorio Generali Familix illius, qui deponitur.

LXXI.

Quod sub voto non ambiendi comprehenduntur Commissarius Generalis, Vice-Commissarius, Diffinitores Generales Familix, & omnes alii, qui habitu vel actu Prælati fuerint.

LXXII.

Quod circa vacationes seu interstitia, quæ in nostris Constitutionibus præscribuntur, addatur, quod Nullus possit eligi in Capitulo, in quo spirat, in aliam Prælaturam, nisi in Superiorem Generalem, Ministrum scilicet juxta nostras Constitutiones, Vicarium, Commissarium aut Vice-Commissarium, si per sex annos integros & continuos semper intra illos functus fuerit officio Diffinitoris Generalis Ordinis: vel uno triennio Superioris Provincialis, & altero immediato Diffinitoris Generalis, vel Provincialis: vel duobus trienniis Ministri Conventualis, & in altero Diffinitoris vel Ministri Provincialis.

LXXIII.

Quod circa reelectiones addatur, quod Commissarius Generalis reeligi non possit in suum officium, nisi eo fuerit functus per triennium integrum: Et quod nec Minister Generalis in Commissarium, neque Commissarius in Ministrum Generalem eligi possit, nisi casu quo Commissarius Generalis electus fuerit per solum annum ante Capitulum.

LXXIV.

Quod Diffinitores Generales nequeant assumi in Ministros Provinciales tempore, quo Diffinitores fuerint.

LXXV.

Quod justis de causis Diffinitorium Generale, inspecta utilitate domus, possit dispensare, ut aliquis Minister reeligi possit in Ministrum ejusdem domus pro triennio futuro a suo Capitulo Provinciali, consentientibus omnibus suffragiis Capituli, præter duo.

LXXVI.

Quod reelectio Ministri sive Conventus nostri Romani Sancti Caroli, sive Collegii nostri de Propaganda Fide, fieri possit, inspecta utilitate domus, & nunquam in favorem ejus, qui reeligatur.

LXXVII.

Quod casu absentix Provincialis, concurrentis ad Capitulum Generale, Præses Provincix erit Provincialis antecedens; & si fuerit inhabilis vel impeditus, Diffinitorium Provinciale, Præside Provinciale ipso, eligat Præsidentem Provincix pro tempore absentix; numquam tamen eligat actualem Diffinitorem Provincix, ne Diffinitorum numerus diminuat.

LXXVIII.

Quod, dum concurrant Commissarius vel Vice-commissarius Generalis intra propriam Familiam, sedeat immediate post Superiorem Generalem Ordinis: & extra Familiam Commissarii post Diffinitores Generales Ordinis.

LXXIX.

Quod Diffinitores Generales Ordinis in toto Ordine sedeat juxta nostras Constitutiones, quamvis aliquod Diffinitorium sive Provinciale sive Generale Familix actu celebretur in ea Domino, in qua aliquis Diffinitor Generalis Ordinis inveniatur; quo tempore juxta nostras Constitutiones Provincialis respectu Diffinitoris Generalis, & Minister etiam respectu Diffinitoris Provincialis amittat locum.

LXXX.

Quod Diffinitores Generales Familix extra actualem Diffinitorii celebrationem intra suam Familiam sedeat post Ministrum, sicut Diffinitores Generales Ordinis; & extra suam Familiam omnes alios hospites tam Ministros quam Provinciales præcedant.

LXXXI.

Quod Provinciales hospites intra suam Familiam præcedant Provinciales hospites alterius Familix: Et quod Diffinitores Provinciales hospites præcedant intra suam Familiam hospites Diffinitores Provinciales alterius Familix: & quod postea eodem ordine sequantur Ministri hospites: postea Redemptores intra suam Familiam, & extra illam post Procuratores non hospites: postea Procuratores Generales: & post hos omnes Procuratores plurium Provinciarum: & si hospites fuerint, post Vicarium Domus: postea Procuratores Provinciales in suis Provinciis, & extra illas juxta antiquitatem professionis: postea Vicarii in suis Domibus, & extra illas juxta antiquitatem Domorum: postea Patres Confessarii intra & extra Familiam, Provinciam aut Domum suam: & postea Sacerdotes simplices, & ceteri omnes, prout in nostris Constitutionibus habetur.

LXXXII.

Quod futuris temporibus suffragia pro nostris Religiosis defunctis solum fiant intra Familiam eorum pro illis, qui professi fuerint post confirmationem harum Constitutionum. Quod tamen pro Superioribus Generalibus utriusque Familix, & Diffinitoribus Generalibus, semper fiant in toto Ordine juxta nostras Constitutiones: Et pro Diffinitoribus Generalibus Familix intra Familiam: pro Ministris Provincialibus & Diffinitoribus Provincialibus intra Provinciam juxta ea, quæ in nostris Constitutionibus pro Diffinitoribus assignantur.

LXXXIII.

Quod Titularis Provincix in Provincia: & Conventus in Conventu sit Festum Ordinis.

LXXXIV.

Quod primæ & secundæ Vesperæ canantur in Conventibus in omnibus Festivitatibus Christi Domini, & ejus Sanctissimæ Matris, quæ ex ritu fuerint primæ aut secundæ Classis, quamvis ad colendum non pronunciantur.

LXXXV.

Quod pro nostris Religiosis defunctis in omnibus Conventibus & Collegiis fiant Exequiæ post Festum omnium Sanctorum Ordinis, sicut statutum est per Capitula Generalia.

Absente Provinciali quis debeat præsidere.

Locus Commissario, & Vice-Comm. Gen. assignatur.

Diffinitoribus Gen.

Item Provincialibus.

De suffragiis pro Religiosis Defunctis.

De Festivitatibus Ordinis.

Supplicarum Sanctissimo pro confirmatione hujusmodi Statutorum.

§. 2. Cum autem, sicut eadem expositio sub-
jungebat, Leges, Decreta, & Statuta hujusmodi
bono prædictæ Congregationis gubernio valde
utilia sint; firmiora verò existant ea, quibus
Apostolicæ Sedis auctoritas accedit; Nobis prop-
terea dictus Michael Procurator Generalis humiliter
supplicari fecit, ut in præmissis opportune
providere, & ut infra, indulgere de benignitate
Apostolica dignemur. Nos igitur ipsum Mi-
chaelem Procuratorem Generalem specialis favo-
re gratiæ prosequi volentes, & a quibusvis excom-
municationis, suspensionis, & interdicti, aliis-
que Ecclesiasticis sententiis, censuris, & pœnis,
a jure vel ab homine quavis occasione vel causa
latis, si quibus quomodolibet innodatus existit,
ad effectum præsentium dumtaxat consequen-
dam, harum serie absolventes, & absolutum
fore censentes, hujusmodi supplicationibus in-
clinati, de Veterabilium Fratrum Nostrorum
S. R. E. Cardinalium, negotiis & consultatio-
nibus Episcoporum & Regularium præposito-
rum, qui rem mature perpendunt, consilio,
omnia & singula Decreta, Statuta, Leges, &
Capitula præinserta, auctoritate Apostolica tenore
præsentium confirmamus & approbamus, il-
lisque inviolabilis Apostolicæ firmitatis robur ad-
jicimus, ac omnes & singulos juris & facti defe-
ctus, si qui desuper quomodolibet interven-
erint, supplemus: salva tamen semper in præmis-
sis auctoritate Congregationis eorumdem Cardi-
nalianum.

Que beni-
gne conce-
ditur.

Harum Lite-
rarum obser-
vantia.

§. 3. Decernentes, easdem præsentis literas;
& Leges, Decreta, Statuta, & Capitula præin-
serta, semper firma, valida & efficacia existere &
fore, suosque plenarios & integros effectus for-
titi & obrinere; ac illis, ad quos spectat, & per
tempore quandocumque spectabit, in omni-
bus & per omnia plenissime suffragari, & ab
eis respectu inviolabiliter observari; sicque in
præmissis per quoscumque Judices ordinarios &
delegatos, etiam Causarum Palatii Apostolici
Auditores, judicati & definiti debere; ac irritum
& inane, si secus super his a quoquam qua-
vis auctoritate scienter vel ignoranter contigerit
attentari.

Obstantium
derogatio.

§. 4. Non obstantibus Constitutionibus & Or-
dinationibus Apostolicis; necnon Congregationis
Hispaniæ, & Ordinis prædictorum, aliisque
quibusvis, etiam juramento, confirmatione Apo-
stolica, vel quavis firmitate alia roboratis sta-
tutis, & consuetudinibus, privilegiis quoque, in-
dultis, & literis Apostolicis, in contrarium præ-
missorum quomodolibet concessis, confirmatis,
& innovatis. Quibus omnibus & singulis, illo-
rum tenores præsentibus pro plene & sufficien-
ter expressis ac ad verbum insertis habentes, illis
aliis in suo robore permanentibus, ad præmissorum
effectum hac vice dumtaxat specialiter &
expresse derogamus, ceterisque contrariis qui-
buscumque.

Fides tran-
sumptis adhi-
benda.

§. 5. Volumus autem, ut earumdem præsen-
tium literarum transumptis seu exemplis; etiam
impressis, manu alicujus Notarii publici sub-
scriptis, & sigillo personæ in Ecclesiastica Di-
gnitate constitutæ munitis, eadem prorsus fides
ubique locorum habeatur, quæ ipsis præsentibus
adhiberetur, si forent exhibitæ vel ostensæ.
Datum Romæ apud Sanctam Mariam Major-
em sub Annulo Piscatoris die 10. Decembris
1733. Pontificatus Nostri Anno Quarto.

CXXI.

Confirmantur omnes Confraternitates sub titulo
B. M. V. Septem Dolorum a Superioribus
Generalibus Ord. Servorum B. M. V. erectæ,
etiam si de earum canonica erectione non con-
stet.

CLEMENS PAPA XII.

Ad perpetuam rei memoriam.

§. 1. EXponi Nobis nuper fecit dilectus filius
Petrus Maria Pieri, Prior Generalis Ord.
Servorum B. Mariæ Virginis, quod licet non so-
lum multæ in dicti Ordinis, sed etiam aliis Eccle-
siis seu Oratoriis auctoritate Priorum Generalium
ejus Prædecessorum erectæ reperiantur Confrater-
nitates utriusque sexus Christianidelium sub titulo
B. Mariæ Virginis Septem Dolorum, quæ suas
functiones ad instar similibus Confraternitatum
obeunt, multaque pietatis & christianæ charita-
tis opera exercent; de aliquarum tamen ex illis
canonica ab initio institutione forsitan non con-
stat: & in aliarum erectionibus & institutionibus
præscripta per Constitutionem fe. re. Clementis
VIII. prædecessoris Nostri, quæ incipit: *Qua-
cumque a Sede Apostolica &c.* die 7. Decembris
1604. editam, forsitan servata non fuerunt: &
alia ante emanatam Constitutionem hujusmodi
erectæ & institutæ novas erectionum & institu-
tionum hujusmodi, ac communicationis Indul-
gentiarum, facultatum, & privilegiorum literas
intra tempus ab eadem Constitutione præfixum,
seu etiam postea, impetrasse minime reperiu-
tur.

Prioris Ge-
neralis Or-
dinis hujus
petitio.

§. 2. Nobis propterea dictus Petrus Maria
Prior Generalis humiliter supplicari fecit, ut in
præmissis opportune providere, & ut infra, in-
dulgere de benignitate Apostolica dignemur.
Nos igitur ipsum Petrum Mariam specialis favo-
re gratiæ prosequi volentes, & a quibusvis ex-
communicationis, suspensionis, & interdicti,
aliisque Ecclesiasticis sententiis, censuris, & pœ-
nis, a jure vel ab homine quavis occasione vel
causa latis, si quibus quomodolibet innodatus
existit, ad effectum præsentium dumtaxat conse-
quendum harum serie absolventes, & absolu-
tum fore censentes, hujusmodi supplicationibus
inclinati, omnes & singulas Confraternitates præ-
dictas sub titulo B. Mariæ Virginis Septem Do-
lorum a Superioribus Generalibus in quibusvis
tam dicti Ordinis, quam aliis Ecclesiis seu Ora-
toriis, ubicumque locorum de præsentibus erectas,
tamen de earum canonica ab initio erectionis
& institutione non appareat, nec ipsæ Con-
fraternitates novas erectionum & institutionum,
seu communicationis Indulgentiarum, facultatum
& privilegiorum hujusmodi literas intra tempus
a prædicta Clementis prædecessoris Constitutio-
ne præfixum obtinuisse reperiantur, nec in earum
erectionibus & institutionibus præscripta
per eandem Constitutionem servata fuerint, au-
thoritate Apostolica tenore præsentium confir-
mamus & validamus; easque in statu valido esse
& fore, decernimus & declaramus, in omnibus
& per omnia, perinde ac si illas omnes & singulas
ab ipso initio canonice erectas & institutas fuisse,
novaque erectiones & institutiones suo tempore
juxta formam memoratæ Constitutionis Clemen-
tis prædecessoris obtinuisse constaret, & in reli-
quis ejusdem Constitutionis forma in illarum
erectionibus & institutionibus respectu servata
fuisset, omnesque & singulos juris & facti defe-
ctus, qui propter præmissa desuper quomodolibet
intervenierint, seu intervenisse dici, censi, vel
pretendi possint, supplemus & sanamus; &
quatenus opus sit, ipsas Confraternitates om-
nes & singulas, servata tamen ceteroqui Con-
stitutionum & Decretorum hujus Sanctæ Sedis,
præsertim circa distantiam locorum, in erectione
Confraternitatum similis Instituti servandam,
emanatorum, forma & dispositione, de novo
erigimus & instituimus.

Confirmantur omnes
dd. erectiones cum
communicatione om-
nium Indulgentiarum,
Privilegio-
rum &c.

§. 3. Ceterum in erectione & institutione simi-
lium Confraternitatum de cetero faciendis for-

Addito De-
creto quod
in futuris

mam